



Inatsisartuni ilaasortaq
Naaja H. Nathanielsen

Apeqquut nr. 86-imiittumut akissut

11. april 2014

Inatsisartut Suleriaasianni § 37 naapertorlugu Naalakkersuisunut makkuninnga apeqqutinik saqqummiussaqaarsimavutit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqquut.

Aatsitassarsiornermi Aningaasaateqarfimmut aningaasanik ilioraasarnissamik unioq-qutitsiniarluni aatsitassarsiornermi ingerlatseqatigiiffiit tigussaasumik atortunik immiisalernissaannik teknikkikkut periarfissiinissamik ammaassiniarneq 2013-imi ukiakkut ataatsimiinnermi immikkoortoq 85-imut tunngatillugu tamatuma politikikkut ilumut anguniagaasimanera suminngaanniit Naalakkersuisut tigussaasunik uppernarsaatissaqarti-ppaat?

Uanga ilisimasakka naapertorlugit periarfissaq anguniagarluunniit tamanna siunnersuuteqartut uannit imaluunniit Aningaasaqarnermut Akileraartarnermullu Ataatsimii-titaliamit immikkoortumut tunngatillugu isumaliutissiissusiornikuusumit taaneqanngisaannarnikuuvoq. Naalakkersuisut qinnuigissavakka siunnersuutip Naalakkersuisut tungaannit paasineqarnerattut isikkoqarnera pillugu aalajangiiffigisassatut siunnersuumminngaanneersunik imaluunniit isumaliutissiissuumminngaanneersunik issuaa-nermik innersuussaqaqqullugit.

Akissut

2013-imi ukiakkut ataatsimiinnermi Inatsisartut aalajangiussinerisa nassatarisaanik Kalaallit Nunaata Aatsitassarsiornermi Aningaasaateqarfianut inatsisip allanngortinnissaa pillugu Inatsisartut inatsisissaannut Naalakkersuisut siunnersuusiorsimapput. Inatsisartut aalajangiussinerannut naapertuuttumik aatsitassarsiornermi aningaasaateqarfimmut inatsisip allanngortinnissaanut siunnersuut suliarineqarpoq, ilaatigullu imatut oqaasertaligaalluni:

"4. § 3, imm. 3-p kingorna naggatip kingulliup kingornatigut nutaatut naggatiligassaq ilanngunneqassaaq:

"Aatsitassanit isertitanut ilaangillat timalittut pigisat nalillit, soorlu uuliakoornep akior-niarnissaanut atortut, illut, allalluunniit sanaartukkat atortussiallu."

Naalakkersuisut ilumuussuseqarfialugu siunnersuummik saqqummiussaqaqput. Taamaattorli siunnersuutaasumut erseqqinnerusunik pissutigisanik nassaarinninniarnissamik, imaluunniit Inatsisartuni ilaasortat kiffaangissuseqarlutik politikikkut isumaannik assigiinngitsunik apeqqutilliinissaq, ilanngullugu Inatsisartuni oqaluuserisassanik siunnersuutunik saqqummiussaqaqartarnerannik Naalakkersuisut suliaarinngilaat. Taamaat-


tumik 2013-imi ukiakkut ataatsimiinnermi imm. 85-imi piviusutut politikikkut pissutigisaaq Naalakkersuisut oqaaseqarfigisinnaangilaq, tamannalu aamma Naalakkersuisunut susassarineqanngitsutut isigineqartariaqarpoq.

Taamaattorli inatsisinut siunnersuutitut oqaaseqaatit Naalakkersuisunit saqqummiunneqartut eqqortuullutillu naammattumik allanneqarlutillu paasissutissanik tunngaveqar-nissaannut Inatsisartut tungaannut Naalakkersuisut akisussaaffeqarput. Aatsitassarsior-nermi aningaasaateqarfimmut inatsisip allanngortinnissaanut siunnersuut Inatsisartut aalajangiussinerannik malitsigisitatut saqqummiunneqarnissaanut pissusiusup oqaaseqaatit eqqortumik naammattumillu ilusilersornerisa isumannaarnissaannik Naalakkersuisuni ilaasortap akisussaaffeqassaani allannguinnigilaq.

Inatsisissamat siunnersuummi oqaaseqaatit siullertut Inatsisartuni ilaasortanik ilisima-titsiniutaapput, siunertaralugu inatsisissatut siunnersuutip Inatsisartuni tassanilu ataatsimiitaliani oqaluserineqarnissaa. Oqaaseqaatit siunnersuutip imarisaani nassuiaal-lutillu itisilliissapput, aammalu ilaatigut inatsisissatut siunnersuutip naatsorsuutigisatut sunniutaaniq naliliinissamat naammaginartumik tunngavissiissallutik. Oqaaseqaatinik saqqummiussineq kinaassusersiussananilu ilumoorussissaaq, taamaalilluni ilaatigut inatsisissatut siunnersuummi pingaarutilittut ajoqutaasinnaasut imaluunniit nangaa-nartoqarsinnaasut ammasumik saqqummiunneqassallutik. Taamaattumik inatsisissatut siunnersuummi oqaaseqaatini pisortanut aningaasaqarnikkut kingunissat sapinngisamik erseqqissuutillugit nalunaarsorsimanissaat pingaartuuvoq, taamaalillutik Inatsisartut aalajangiussaqaarnissaminut naammaginartumik tunngavissaqaassammata.

Oqaaseqaatit ilusilersornissaannut imarisassaannullu piumasaqaatinut oqaaseqaatit naapertuuttuunissaannut Naalakkersuisuni ilaasortaq akisussaaffeqarpoq. Taamaattumik oqaaseqaatini siunnersuummi sunniutit piviusorpalaartumik naammattumillu sulia-rineqarsimaneriniq isumannaarinissaminut Naalakkersuisuni ilaasortaq pisussaaffeqar-poq. Piviulluinnartutut pineqartoq tassaavoq akiligassanik aningaasatut iluseqartunik pissarsinani Namminersorlutik Oqartussat – annertunerusumik imaluunniit annikinneru-sumik – timitalittut naleqartitanik pissarsinissaanut siunnersuutip qularutissaanngitsumik aarleqqummik nassataqarsinnaanera, aarleqqutaasorlu taanna oqaaseqaatini itisilersuil-luni nassuiarneqartuuvoq.

Inussiarnersumik inuulluaqqusilluta



Jens-Erik Kirkegaard



Nuuk, 2. april 2014

Inatsisartut suleriaasianni § 37 naapertorlugu imaattunik Naalakkersuisunut apeqquteqarpunga.

Aatsitassarsiornermi Aningaasaateqarfimmut aningaasanik ilioraasarnissamik unioqputitsiniarluni aatsitassarsiornermi ingerlatseqatigiiffiit tigussaasumik atortunik immiisalernissaannik teknikkikkut periarfissiinissamik ammaassiniarneq 2013-imi ukiakkut ataatsimiinnermi immikkoortoq 85-imut tunngatillugu tamatuma politikikkut ilumut anguniagaasimanera suminngaanniit Naalakkersuisut tigussaasunik uppersaatissaqartippaat?

Uanga ilisimasakka naapertorlugit periarfissaq anguniagarluunniit tamanna siunnersuuteqartut uannit imaluunniit Aningaasaqarnermut Akileraarnermullu Ataatsimiititaliamit immikkoortumut tunngatillugu isumaliutissiissusiorni-kuusumit taaneqanngisaannarnikuuvoq. Naalakkersuisut qinnuigissavakka siunnersuutip Naalakkersuisut tungaannit paasineqarnerattut isikkoqarnera pil-lugu aalajangiiffigisassatut siunnersuumminngaanneersunik imaluunniit isumaliutissiissuumminngaanneersunik issuaanernik innersuussaqaqullugit.

(Inatsisartuni ilaasortaq Naaja H. Nathanielsen, Inuit Ataqatigiit)

Tunngavilersuut

Inuussutissarsiornermut Aatsitassanullu Naalakkersuisoq Inatsisartunut kissaateqarnikuuvoq tigussaasumik atortut (soorlu illuutit imaluunniit atortulersuutit) aatsitassarsiornermi aningaasaateqarfimmi isertitatut naatsorsuutigineqartassasut.

Isuma tamanna Inatsisartut akerlilernikuuaat aalajangernikuullutillu tigussaasumik atortut Aatsitassarsiornermi aningaasaateqarfimmi isertitatut naatsorsuutigineqartassanngitsut. Tamatuma kingorna Inatsisartut aalajangernerat tamatumalu anersaava ataqqillugu Naalakkersuisut pisussaaffeqarnikuupput inatsisissatut siunnersuusiussallutik.

Isumagali malillugu inatsisissatut siunnersuut, pingaartumillu inatsisissatut siunnersuutip oqaaseqaatertai, Naalakkersuisut tusarniaassutigisaat Inatsisartut aalajangernerannik tamatumalu anersaavanik siunertaanillu ilumoorfiginninngillat. Naalakkersuisut ilaatigut malunnartinniartutut ippaat aatsitassarsiornermi ingerlatseqatigiiffiit akileraarutitigut akitsuutitigullu "ilanngaaserneqartarnissaat" Inatsisartut kissaatigigaat taakkununga taarsiullugu illuutinik sanaartorunik. Tamanna ilumuunngilluinnarlunilu sumiluunniit taamatut allassimasoqanngilaq, soorlu aalajangiiffigisassatut siunnersuummi, ataatsimiititaliap isumaliutissiissutaani imaluunniit ukiarmi Naalakkersuisut namminneerlutik akissuteqaasiaanni.

Tamanna pitsaanngilaq, aamma siunnersuutimi itigartinneqarneranik Naalakkersuisut akuersiumannginnerat kingornalu aalajangernerup tunngaviinik uukapaatitsiniarlutillu sangutitsiniarnerat inatsisartoqarnermi ileq-qorissaarnermut naapertuutinnigilaq.

Ullut suliffiusut qulit qaangiutsinnagit apequtit akineqareersimanissaat kissaatiginarpoq.